

Sizmwanz Siujyoz:

Sawj Hagdangz Bienq Ndaej Engqgya Gyaeundei

石门小学：让校园变得更加美丽

Sanglinz Yen Dangzhungz Yangh Sizmwanz Siujyoz dwg daengx gih Sawcuengh haeuj hagdangz sawqniemh hagdangz ndawde aen ndeu. 20 lai bi daeuj, Sizmwanz Siujyoz genhciz gvancez “cibroek cih” fuengcim, genhciz Sawcuengh Sawgun song saw vah sonhag, nyinhcaen guh ndei hong sonhag, aeu ndaej cingzcik maenhndei. Vihliux hawj hagseng youq dwz、ci、dij geij fuengmienh cungj ndaej fazcanj, hagdangz guh gak cungj gak yiengh hozdung mizik haenx. Bineix Swcigh Dangjiveij、Swcigh Yinminz Cwngfuj youq daengx gih guh “Gvangsiah gyaeundei • lajmbanj seuqcingh” hozdung, Sizmwanz Siujyoz cizgiz yangjying haucan, gaihcianj “seuqcingh lajmbanj • cang gyaeu hagdangz” hozdung, gyoengq saeseng caez doenghfwngz hwnjdaej, baet nyapnyaj、gvak gohaz ndaw hagdangz, sawj aen hagdangz bienq ndaej cingjcaez seuqsak, bienq ndaej gyaeundei dangqmaz.

(Lanz Veisungh)



▲ Gyoengq doengzhag gvak go'nywj ndaem gova.



◀ Baet ndaw hag-dangz seuqsak bae.

▲ Ndaem faex, sawj hagdangz ngoenzcog engq-gya raemhrwd gyaeundei.

Cangzdangz Cunghsinh Siujyoz Gvensim Lwgnyez Louzsouj

长塘中心小学关心留守儿童

Vihliux haeujlaeg doidoengh hong “gvensim lwgnyez louzsouj”, saedsaeh bang lwgnyez louzsouj gaijgez hagsib caeuq gwndaeniz miz gunnanz, Cangzdangz Cunghsinh Siujyoz gaihcianj “lwgnyez gangj simmuengh” hozdung, fatdoengh gwnzbiengz bous miz simgyaez haenx daeuj gvensim gyoengq lwgnyez louzsouj. Gyoengq bous miz simgyaez haenx gaengawq simmuengh gyoengq lwgnyez cawx daehsaw、saw、vwnzgi soengq hawj gyoengq lwgnyez, sawj gyoengq lwgnyez louzsouj angq doegsaw, angq swnghhoz, gamjdaengz ndawsim raeujrub.

(Lij Cinghsiz)



▲ Gyoengq lwgnyez louzsouj ndaej saedyienh gij simmuengh swheij, angq dangqmaz.

Cunghgyauz Siujyoz Guh Boih Sawcuengh Doxdax

中桥小学开展壮文朗诵比赛



▲ Lauxsae youq gwnz daiz boih govwnz Sawcuengh.

Bineix 5 nyied 23 daengz 24 hauh, Vujmingz Yen Cunghgyauz Siujyoz gyoengq saeseng guh boih Sawcuengh doxdax.

Moix bous lauxsae Sawcuengh caeuq gak ban bous hagseng daibyaui cungj haengjheiq camgya. Gyoengq bous youq gwnz daiz doxdax boih saw, simcingz gikdoengh, sing yaep sang yaep daemq, yaep vaiq yaep menh, boih dwk gamjcingz caenliklik. Ginggvaq doxdax, Banh Lanzfanh daengj 8 bous lauxsae caeuq Banh Yinzcuu daengj 12 bous hagseng aeu ndaej cingzcik ceiq ndei. Baez doxdax neix, ndaej daezsang le lauxsae Sawcuengh caeuq hagseng boih Sawcuengh suijbingz.

(Veiz Ginjcunh)



▲ Hagseng boih govwnz Sawcuengh.



▲ Cuj lauxsae senhbu mingz-coh bous ndaej ciengi.